

隋經籍志考證

隋經籍志考證卷五

起居注

穆天子傳六卷

汲冢書郭璞注

今存

漢獻帝起居注五卷

無撰名魏志武紀注文紀注董卓傳邴原傳注蜀志先主傳
注續漢禮儀祭祀五行百官輿服志注後漢書獻紀董卓傳
注初學記職官部並引獻帝起居注共數十事王允奏侍中
黃門比尚書不得出入不通賓客一事太平御覽職官部亦
引之通典禮門注舊典市長執雁建安八年始執雉一事與
續漢注合唐志卷同

晉泰始起居注二十卷

李軌撰

蜀志諸葛瞻傳注詔曰諸葛亮在蜀盡其心力其子瞻臨難死義天下之善一也其孫京隨才署吏後爲郡令藝文類聚菓部太平御覽果部泰始二年六月嘉柰一蒂十五實或七實生於酒泉並引晉泰始起居注唐志同

晉咸寧起居注十卷

李軌撰

藝文類聚服飾部鳥部太醫司馬程據上雉頭裘一領詔曰此裘非常衣服消費功用其於殿前燒之勅内外有造異服依律治罪此題晉咸寧起居注初學記服食部北堂書鈔衣冠部太平御覽服章部並引之太醫司馬脫醫字唐志二十卷

晉泰康起居注二十一卷

李軌撰

南齊書州郡志北徐州鎮鍾離晉太康二年起居注置淮南
鍾離初學記職官部祕書丞桓石綏啟校定四部書目詔遣
郎中四人各掌一部藝文類聚食物部詔曰尙書令苟勗旣
久疾羸毀可賜乳酪太官隨日給之北堂書鈔飲食部賜石蜜五升太平御
覽職官部詔故司空王基夙爲先帝授任基子沖尙書郎雖
在清途猶未免楚撻其以沖爲治書侍御史兵部詔曰諸王
中尉及諸軍皆典兵以備不虞乃有著甲戰衣木履持長矛
者此爲兒戲而無相彈憚也車部齊王歸藩詔賜衣香輦一
乘齊王出鎮詔賜青油雲母犢車器物部齊王出藩詔賜榼
櫟杯盤各有差飲食部尙書郭奕有疾日賜酒米猪羊肉石
崇母疾日賜清酒粳米猪羊肉並引太康起居注泰俱作太唐志

二十二卷

永平元康永寧起居注六卷

梁有今亡

唐志有永平起居注一卷

晉惠帝起居注二卷

梁有今亡

宋書蔡廓傳式乾殿集諸皇子悉在三司上魏志張燕傳注
門下令史張林飛與趙王倫爲亂位至尙書令封郡公尋爲
倫所殺並題陸機晉惠帝起居注魏志趙儼傳注裴頠雅有
遠量當朝名士民之望也世說言語篇注裴頠字逸民河東
聞喜人司空秀之少子也文學篇注頠著二論以規虛誕之
弊文詞精富爲世名論賞譽篇注頠理甚淵博贍於論難北
堂書鈔儀飾部愍懷太子賜典兵中郎將複紵襪一繡武功
部王浚乘勝追石超軍於斥邱超持重不與戰以鹿角爲營
一云以鹿角

步要爲營

太平御覽皇親部拜皇孫臧爲臨淮王尙爲襄

陽王又詔臧爲太孫臧廢到銅駝街宮人皆哽咽路人杖淚
焉桑復生於兩廂長丈餘太孫廢乃枯又惠帝詔以太常成
粢爲太孫太傅前城門校尉梁柳爲太孫少傅又惠帝使使
持節策命愍懷太子前妃爲皇太孫太妃是日也告於太廟
服章部愍懷以體上白絹單衣一領因士寄與妃又帝至溫
謁陵无履取左右履著下拜服用部有雲母幌廣韻亦引此句又帝
至朝歌無被中黃門以兩幅布被寄帝共引惠帝起居注十
三事不著撰名

晉武帝起居注

卷亡

不著錄

北堂書鈔設官部司馬璞貞固和祥有識見才幹以爲冗從
僕射太平御覽皇親部詔曰今出掖庭才人妓女保林已下
二百七十餘人職官部豫州刺史胡威忠素質直思謀深沈

其以威爲監軍刺史如故又東安王世子瑾貞固和祥有識
見才幹以爲冗從僕射此事與書鈔當是一事書鈔作名璞須考並引晉武帝起

居注

晉康帝起居注

卷亡

不著錄

北堂書鈔設官部太平御覽職官部晉康帝起居注曰尙書
萬事之本朕所責成也而廩秩儉薄甚非治體今雖軍國多
費不爲元凱惜祿其依令僕給尙書各親信五十人廩賜

晉孝武起居注

卷亡

不著錄

藝文類聚儲宮部上臨軒設懸而不樂遣司空謝琰納太子

妃王氏

御覽皇親部引有詔語

賜文武布絹百官詣上東門上禮太平

御覽皇親部納采聘太子妃百官會於新安公主第秘書監
王操之爲主人並引晉孝武起居注

晉永安起居注

卷亡

不著錄

初學記服食部晉永安起居注曰太康四年有司奏鄯善國遣子元英入侍以英爲騎都尉佩假歸義侯印青紫綬各一具愚按隋唐志無晉永安起居注所記又太康事恐誤

晉建武大興永昌起居注九卷

梁有二十卷

唐志二十二卷太平御覽服用部晉建武起居注曰立敬后廟薦席不用綠緣職官部晉大興起居注曰元年置通直散騎侍郎四人又元帝依故事召陳郡王隱待詔著作單衣介幘翔望朝著作之省儀飾部晉永昌起居注曰元帝使司空王導拒王敦詔曰吾征東時節給司空

晉咸和起居注十六卷

李軌撰

唐志十八卷藝文類聚菓部六年寧州上言甘露降城北園

奈桃樹等太平御覽器物部有司奏魏氏故事正旦賀公卿
上殿虎賁六人隨上以斧柄柱衣裾上令宜依舊爲儀注謂
曰此非前代善制其除之羽族部二年正旦饗萬國有五鷗
集太極殿前並引晉咸和起居注

晉咸康起居注二十二卷

唐志同藝文類聚歲時部十二月庚子詔曰正會日百僚增
祿賜醕酒人二升布帛部詔臨邑王范柳所貢絳綾是其所
珍可籌量增賜器物部詔賜遼東使段遼等琉璃盃御覽器物部又
日詔賜鷄鵲杯木部侍御史秦武奏平陵前道東杉樹一株萎死請
收陵令推劾並引晉咸康起居注

晉建元起居注四卷

唐志同

晉永和起居注十七卷

梁有二十四卷

唐志二十四卷初學記樂部詔太史解士非祠典可給琵琶

箜篌也

白帖同

寶器部廬江太守路永表言於穀城北見水岸

紫赤光得金一枚狀如印齒

御覽珍寶部同

並引晉永和起居注

晉升平起居注十卷

新唐志同舊唐志闕著錄

晉隆和興寧起居注五卷

唐志同

晉咸安起居注三卷

唐志同

晉泰和起居注六卷

梁十卷

唐志同

晉寧康起居注六卷

唐志同

晉泰元起居注二十五卷

梁五十四卷

唐志五十二卷世說賞譽篇注法汰卒烈宗詔曰法汰師喪
逝哀痛傷懷可贈錢十萬太平御覽車部司隸校尉劉毅奏
護軍羊琇私用四宏文乘羊車請免官治罪詔如所奏並引
晉泰元起居注

晉隆安起居注十卷

太平御覽果部晉隆安起居注曰武陵臨沅縣安石榴子大
如碗其味不酸一蒂六實

晉元興起居注九卷

唐志同

晉義熙起居注十七卷

梁三十四卷

唐志三十四卷藝文類聚舟車部北堂書鈔舟部盧循新作八槽艦九枚起四層高十餘丈太平御覽天部十四年相國表曰間者平長安獲張衡所作渾儀土圭厯代寶器謹遣奉送歸之天府服章部安帝自荊州至新亭詔曰諸侍官戎行之時不備朱服悉令袴褶從也器物部詔林邑王范明達獻金盃一副蓋百副果部二年正月吳令顧修期上言西鄉有柿樹殊本合條依舊集賀詔停之菜茹部十年有司奏太常謝澹遣四人還家種蔥菜免官香部倭國獻貂皮人參等詔賜細笙麝香並引晉義熙起居注

書鈔衣冠部百官衣袴褶事在義熙元年又藝文部

何無忌在祕閣求賜祕書詔與一十卷儀飾部兼黃門郎徐應植出爲散騎著屐出省閣有司奏免官

晉元熙起居注二卷

唐志同

晉起居注三百一十七卷

宋北徐州主簿劉道會撰梁有三百二十二卷

唐志道會作道蒼三百二十卷愚按昔人徵引晉代起居注

其不著年號而統稱晉者逸篇最多證以隋唐志所載蓋原

本卷數至三百餘卷宜徵引之多也北堂書鈔太平御覽尤

多引之其書自武帝至安帝總記兩晉當是合諸家而成一

書如大醫司馬上雉頭裘事

白帖卷十一

與咸寧起居注同荀勗

羸毀賜乳酪事

白帖卷十六

王冲爲治書御史

書鈔設官部

桓石綏啟

校定四部書

書鈔同上

與太康起居注同正旦饗萬國有鷗鳥五

集殿

御覽時序部

寧州上言甘露降

藝文類聚菓部

與咸和起居注同相

國表獲張衡渾儀土圭歸之天府

書鈔儀飾部

與義熙起居注同

若泰始元年太常諸葛緒博士祭酒劉熹議郊祀

御覽宗親部

晉

書禮志闕載泰始三年拜崇陽園妾李琰為修華王宣為修

容徐琰為修儀吳淑為婕妤趙琰為充華

御覽皇親部

晉書后妃

傳闕載太康元年以廬陵縣都尉之陽都縣來入

太平寰宇記江南西

道晉書地理志不載咸和元年詔曰作瑯邪王大車斧六十

枚侍臣劍八枚將軍手擊四枚

御覽兵部

晉書諸王傳不載咸和

八年有司奏庭燎舊在端門內依舊門內施

藝文類聚火部晉

書成帝紀及禮志俱不載永和中廷尉王彪之與揚州刺史

殷浩書論元日合朔不可廢

御覽時序部

較晉書禮志為詳殿中

將軍孝武太元中募選名家以參顧問始用瑯邪王茂之奏

也

書鈔設官部

晉書職官志無殿中將軍孝武紀亦不載廷尉監

陸鸞上表求增築訊堂圖先賢像詔許之

通典職官門注

晉

書刑法志不載至於命官詔詞房喬史例多從刪削而荀顗

爲司徒曹志闡宏曹子

書鈔設官部

鄭袤爲司空皇甫謐爲中庶

子

御覽職官部

本傳所載詔詞當卽資於此書惟泰始八年詔曰

議郎山濤志爲簡靜凌虛篤素立身行己足以勵俗其以濤

爲吏部尙書

書鈔設官部

晉書濤傳與此詔不同元和姓纂有尙

書令浦選此人名晉書未見

流別起居注三十七卷

唐志四十七卷

晉崇寧起居注十卷

不著錄

見唐志

晉宋起居注鈔五十一卷

梁有隋亡

唐志有何始真晉起居

無注

鈔五十一卷晉起居注鈔二十

四卷

二書俱不言宋

宋永初起居注三卷

唐志六卷

宋景平起居注三卷

唐志同

宋元嘉起居注五十五卷

梁六十卷

文苑英華裴子野宋畧總論曰曾祖宋中大夫西鄉侯以文帝之十二年受詔撰元嘉起居注初學記職官部尙書左丞袁璠啟領曹郎中荀萬秋每設事緣私遊肆其所之請免萬秋官武部御史中丞劉楨奏前廣州刺史韋朗於所部作牛皮鎧六領請免朗官器物部以日出入定晝夜今減夜限日出前日入後各二刻半以益晝又劉楨奏韋朗作銀塗漆屏風二十三牀綠沈屏風一牀新白莞席三百二十二領銅鏡

臺一具請免朗官藝文類聚舟車部有司奏餘姚令何玠之
造作平牀一乘舫一艘精麗過常請免玠之官內典部師
子國遣使奉獻詔答曰此小乘經甚少彼國所有皆可悉爲

寫送之

御覽四夷部又云間彼鄰多有師子此獻未覩可悉致之

又阿羅單國王遣使云

雪山雪水流注百川一切眾生咸得受用祥瑞部元年七月
有白鷺集於齊郡九月乃去北堂書鈔天部盱眙王彭兄弟
三人欲葬二親天旱穿井無水彭號天無計竈前忽然生水
歲時部尙書郎樂詢以爲治厯之官當數暑度政術部王韶
之奏彈著作郎王燮御史中丞劉武之奏彈强弩將軍陶文
朗太平御覽兵部載謝靈運自理表服章部治書侍御史朱
興啟彈朝請向騰之四夷部天竺國毗迦梨國王遣使上表
阿羅單國王遣使奉獻並引宋元嘉起居注人事部汝陽太